

SOCIAL



E kid fastioso di cas, ta cumpli 2 aña awe y e ta **EUGENE EUROBE QUIJADA VALDEZ** cu ta ricibi masha pabien di su mami y papi, di su ruman, abuelito, y abuelitanan, tia y omonan, primo y primanan, di su madrina y padrino, amigitonan di speelschool, demas familia y di **DIARIO**.



Awe **RICHARD JACOBS** ta cumpli aña y ta ricibi masha pabien di su familia y amigonan di Warawara y di **DIARIO**.

REUNION GENERAL DI SECRETARIANAN

ORANJESTAD(AAN)— e Asociacion di Secretarianan di Aruba a invita tur miembro pa asisti na un reunion general.

E evento lo tuma lugar **Diadomingo 6 di Januari**, cuminzando for di 10 or di mainta den **Continental Room di Talk of the Town Hotel**.

Directiva ta conta cu presencia di tur miembro.



MELCHOR ta cumpli aña awe y ta ricibi masha felicitacion di su amigonan y di su familia y di **DIARIO**.



RICHARD KOCK ta celebra su cumpleaños awe y ta haya masha pabien di su mama y tata, di su 9 rumannan, di su amiga y di **DIARIO**.



Mañan ta bira un aña mas joven señora **MARIA DE LOS REYES PEREZ MATOS** cu ta ricibi felicitacion di su yiunan na Aruba y Hulanda, di su nieto y nietanan, demas familia na **Sto. Domingo** y di **DIARIO**.

Problema cu bo aparato-
nan i installacionnan elec-
trico, airc, frigidaire, stoff
di gas, etc.

Bel 46209

DJO FARRO

Zeewijk 13A

LOURDES FIGAROA GERENTE DI CLUB DI PLAYA LINDA

ORANJESTAD(AAN)— Lourdes E Figaroa a ser promovi pa puesto di gerente di Club di Aruba Beach Club. El a cuminsa su carera na Playa Linda seis luna prome cu e balneario aki a habri na 1983, y e tabata encarga cu tumamento di empleadonan na trabao y establece procedimentonan cu ta pertenece na operacion di e club.

Durante prome aña cu e club ta funcionando el a desarolla un relacion eficaz cu miembronan di Playa Linda y huespednan y a ricibi encargonan di trabao cu a pone completamente envolvi cu trabao den tur departamento pa asina sigura operacion eficaz di e club.

El a keda responsabel como resultado pa tur funcionamiento di e balneario durante ausencia di gerente di club.

Prome cu el a bay traha cu Playa Linda, el a traha como supervisor y despues como gerente di Front Office di Aruba Palm Beach Hotel. Anterior na esey el a ricibi entrenamiento den practica na **Omni International**



na Miami. Su educacion ta inclui grado di Asociado (cum laude) ricibi na school di gerencia di hotel na Puerto Rico, cual

ta parti di universidad di Cornell y un grado como academico den gerencia di hotel na Florida International University.

JAN HENDRIK PONSON
20 AÑA CU KAN


ORANJESTAD(AAN)— Na Oficina principal di Kan tabata tin celebracion di e 20 aña di servicio di Sr. Jan Hendrik Ponson, cu e joyeria aki.

Sr. Buti Ponson a cuminsa traha cu e prestigioso firma aki na 1965 como manager y actualmente ta ocupa puesto di vice presidente di Kan Inc.

Srta. Albertina Rodri-

guez tambe a recorda e hecho cu 10 aña pasa el a drenta servicio di Kan. Albertina ta trahando na e sucursal di Aeropuerto Internacional di Aruba.

Den presencia di varios invitado y coleganan di trabao ambos empleado a ricibi di Sr. Sal Kan e tradicional envelop cu contenido y tambe palabranan di elogio pa nan labornan presta.



Virginia Lacle a bira e feliz ganadora di e auto Daihatsu. El a ricibi e yabi for di man di salesman Billy Bikker. Virginia Lacle a compra un auto y a participa den e sorteo di Carib Motors, den cual tambe centenares di otro cumpradornan a participa durante e oferta cu a dura di 15 di Augustus te cu 31 di December.